

Namołwa němskich biskopow k diaspornej njedźeli 17. nowembra 2019

Lube sotry a lubi bratřa,

jako křescenjo smy přeprošeni, zo bychmy to, štož nas njese, štož nas zaběra a nam orientaciju skića, druhim čłowjekam dale dali. Tak móžemy jim pomhać, zo bychu Bože slědy tež w swójskim žiwjenju wotkryli.

Tež w diasporje wuchodneje Němskeje, sewjerneje Europy a na Baltikumje chcedža katolscy křescenjo w tym zmysle wěru darić. W městach a na wsach, w kotrychž su hinak- abo njewěriwi wulka wjetšina, chcedža tak žiwi być, zo škrička přeskoči, kotraž so w nich pali. Zdobom chcedža za tych wotewrjeni być, kotřiž su so wěrje wotcuzbnili. Tola jim pobrahuja cyrkwinske zetkanišća a pěstowarnje, katechetiski material a jězdźidła za daloce puće. W tutej situaci móže Bonifacijowy skutk katolikow Němskeje naše sotry a našich bratrow we wěrje lětnje z něhdže 800 projektami podpěrać. Katolska cyrkej je tam jako mjeńšina na našu solidarnosć pokazana – financielnje kaž tež ideelnje.

Lětuša diasporna akcija Bonifacijoweho skutka ma hesło „Stań so z darićelom wěry“. W tutym zmysle prosymy Was, lube sotry a lubi bratřa, składnostnje diasporneje njedźele 17. nowembra znowa wo Waš paćer a Waš wulkomyslny dar.

Lingen, 14. měrca 2019

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop